

Vandali na dŽamiji ispisali grafite "Srbija" i četiri slova "S"

21/03/2010 21:20 by Administrator

U banjalučkoj komunalnoj policiji su objasnili da nisu imali prijavu o ovom slučaju. Hadži Perviz dŽamija u banjalučkom naselju Potok jučer je osvanula ispisana grafitima - četiri slova "S" i "Srbija". Predsjednik Medžlisa IZ Banja Luka Kasim Mujić kazao nam je da je o ovom vandalskom činu obaviješten jučer ujutro, a pretpostavlja se da su grafiti ispisani u noć s petka na subotu. Dan ranije ništa nije bilo. Nađematlija, koji živi u blizini, ujutro je u prolazu ugledao grafit i odmah nas obavijestio. Ovo nije prvi put da je ova dŽamija na meti vandala - istakao je Mujić.

U banjalučkoj komunalnoj policiji su objasnili da nisu imali prijavu o ovom slučaju, te da će odmah poslati svoju ekipu kako bi se izdao nalog za uklanjanje spornog natpisa.

- U slučajevima kada se radi o vjerskim objektima ili grafitima s uvredama na vjerskoj ili nacionalnoj osnovi, odmah izlazimo na teren i trudimo se da istog dana uklonimo takve sadržaje - poručili su banjalučki komunalci.

Izvor vijesti: Dnevni Avaz